



PORTA-VOZ  
V GOVERNUNU  
KONSTITUSIONÁL



KOMUNIKADU  
BA MEDIA

Loron 28 fulan-novembru tinan 2014  
Dili, Timor-Leste

## Timor-Leste celebra aniversáriu da-39<sup>u</sup> Proklamasan Independénsia

Iha loron 28 fulan-novembru tinan 1975, hafoin liu tiha besik tinan 400 hosi kolonializmu nia-ukun, Timor-Leste deklara nia independénsia. Ohin, Repúblika Demokrátika Timor-Leste komemora ninia aniversáriu ba da-39<sup>u</sup> ba eventu istóriku ida ne'e.

Komemorasaun sira hosi eventu ida ne'e sei hala'o iha distritu sanulu-resin-tolu nia laran.

Iha distritu Aileu, Prezidente Repúblika Demokrátika Timor-Leste, Taur Matan Ruak, Prezidente Parlamentu Nasionál, Vicente Guterres, Primeiru-Ministru, Kay Rala Xanana Gusmão, Prezidente Tribunál Rekursu, Guilhermino da Silva, no Sekretáriu - Jerál FRETILIN, Dr. Marí Alkatiri sei partisipa ba-iha serimónia hasa'e bandeira Nasionál nian.

Dr. Marí Alkatiri, nu'udar Líder ida hosi fundadór sira ba Fretilin no Repúblika Demokrátika Timor-Leste no mós Sekretariu-Jerál Fretilin nian sei lee testu Proklamasan Independénsia Repúblika Demokrátika Timor-Leste, ne'ebé lee ba dahuluk iha loron 28 fulan-novembru tinan 1975, hosi Prezidente Repúblika dahuluk, Francisco Xavier do Amaral.

Iha serimónia molok Loron Proklamasan nian, iha loron 27 fulan-novembru, Prezidente Repúblika fó medalla ba timor-oan sira ne'ebé fó sira nia-vida hodi subar Líder boot sira rezisténsia nian, inklui sira ne'ebé maka subar lider rezisténsia no Primeiru-Ministru atuál, Kay Rala Xanana Gusmão. **FIN**



Ágio Pereira  
+670 7723 0011  
[agio.pereira@cdm.gov.tl](mailto:agio.pereira@cdm.gov.tl)  
[govtlmedia@gmail.com](mailto:govtlmedia@gmail.com)  
[www.timor-leste.gov.tl](http://www.timor-leste.gov.tl)